



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LESITSATFU (P3)

INKHWEKHWETI/INHLABA 2025

TICONDZISO TEKUMAKA

EMAMAKI: 100

Leticondziso tekumaka tinemakhasi la-11.

SIGABA A: INDZABA**UMBUTO 1: KUBHALWA KWENDZABA (340–390 emagama) (50 emamaki)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephat selene nesitfombe ayinikwe sihloko.

1.1 Bengitsi sengiphumile ...**LOKUBALULEKILE:**

- Umhlolwa kulindzeleke kutsi abhale ngetintfo labecabanga kutsi sewuphumile kuto lokungenteka leto tintfo timphatsa kahle nobe kabi.
- Umhlolwa kulindzeleke kutsi anike tizatfu letimente wabuyela etintfweni labetayele kutenta.
- Indzaba kungenteka ilandzise/ichaze/ivete limuva lembhali.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.2 Kudlalwa kwemidlalo leyahlukahlukene etikolweni**LOKUBALULEKILE:**

- Umhlolwa kulindzeleke kutsi abhale ngetinhlobo temidlalo letahlukahlukene lesetikolweni.
- Umhlolwa angaveta kubaluleka kanye nemakhono lavelako lahlukene kubantfana etikolweni.
- Indzaba kungenteka ichaze/ilandzise/ivete limuva lembhali.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.3 Tinsita tamahhala tahulumende letiphakelwa imimango**LOKUBALULEKILE**

- Umhlolwa kulindzeleke kutsi abhale ngetinsita tamahhala letiphakelwa nguhulumende.
- Umhlolwa akavete tinkinga taphambilini naletikhona emimangweni kanye netinhlobo tebantfu labahlomula kuleto tinsita.
- Indzaba kungenteka ivete limuva lembhali/ilandzise/ichaze/**Ibe nhlangotsimbili/hlangotsi lunye**.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.4 Kusetjentiswa kwe-inthanethi ekwelekeleleni kufundza nekufundzisa

LOKUBALULEKILE:

- Umhlolwa kulindzeleke kutsi abhale ngendlela lekusetjentiswa ngayo i-inthanethi kwelekelela kufundza nekufundzisa.
- Umhlolwa angaveta lokuhle nobe tinkinga letiba khona uma kufundvwa nobe kufundzisa.
- Indzaba kungenteka ibe nhlangotsimbili/ichaze/ilandzise.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama

[50]

1.5 Bafundzi abakhokhele tindleko tesikolo. Vumela nobe uphikise lesitativende.

LOKUBALULEKILE:

- Umhlolwa kulindzeleke kutsi akhetse lunye luhlangotsi abhale ngalo angagudluki ite ifike esiphetfweni indzaba yakhe.
- Akavete tizatfu letimenta avume kutsi kubhadalwe tindleko nobe aphikise kutsi tindleko tesikolo tikhokhelwe.
- Indzaba kungenteka ibe hlangotsilunye/ichaze/ilandzise/**Ivete limuva lembhali**.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.6 Tonkhe tindzaba letiphatselene netifcombe tingatsatsa nobe nguluphi luhlobo

1.7 Iwendzaba: indzaba kungenteka ilandzise/ichaze/ibe hlangotsilunye/ibe

1.8 nhlangotsimbili/ivete limuva lembhali.

LOKUBALULEKILE:

- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso.
 - 1.6 Sib. Bahlolwa bangabhalala ngemincintiswano nemiklomelo labayitfolako/Imphumelelo/Umcintiswano lengaphumelela kuwo.
 - 1.7 Sib. Bahlolwa bangabhalala ngetinsita tamasipala/Kweswelakala kwemanti/Somiso lesihlasela ummango/**Libhizinisi leliphat selene nalokusesitfombeni**.
 - 1.8 Sib. Bangabhalala ngelusito lolutfolakala emtfolamphilo/kugonywa kwebantfwana/kugcwala kwemitfolamphilo/**Kubhalisa imali yesondlo/sitifiketi sekatalwa kwebantfwana**.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

CAPHELA: Kwabiwa kwemamaki: (Bona irubhriki)

SAMBA SESIGABA A: 50

SIGABA B: EMATHEKSTHI EMBHALOMBIKO

UMBUTO 2: IMIBHALOMBIKO (100–120 emagama itheksthi ngayinye) (50 emamaki)

2.1 INKHULUMOMPHENDVULWANO

SAKHIWO: LOKUCUKETFWE

Inkhulumomphendvulwano ayifake loku lokulandzelako:

- Singeniso, umtimba nesiphetfo.
- Luhlaka. (Emagama alabakhulumako abhalwa ngasesandleni sesancele bese kufakwa ikholoni, bokhulunyiwe abafakwa. Lokwentekako kubhalwa kubakaki.)
- Kusetjentiswa inkhulumongco.

LOKUBALULEKILE:

- Akube ngumhlolwa nagogo wakhe labakhulumako.
- Akukhulunye ngendzaba yemali yempesheni leseyitfolakele nenjabulo labanayo.
- Akubhalwe sendlalelo senkhulumomphendvulwano ngembikwekuyibala.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.2 UMLANDVOMUFI

SAKHIWO: LOKUCUKETFWE

Umlandvomufi awufake loku lokulandzelako:

- Singeniso, umtimba nesiphetfo.
- Sihloko semlandvomufi. Sib. Umlandvomufi wa ... (Ligama nesibongo semufi.)
- Ligama nesibongo semufi nelusuku latalwa ngalo.
- Indzawo latalelwa kuyo nalashonele kuyo.
- Batali bakhe, (sebashona/basaphila.)
- Wesingaki ekhaya ngekutalwa.
- Imfundvo yakhe.
- Umsebenti wakhe.
- Indlela nelusuku lashone ngalo.
- Umndeni wakhe lawushiya emhlabeni.
- Emavi ekumvalelisa. (Sib. Lala ngekuthula/Tinanatelo temufi njll.)

LOKUBALULEKILE:

- Umlandvomufi awuvete kushona kwemsakati lobekavakashela ummango wemhlolwa.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.3 INCWADZI YEBUHLOBO**SAKHIWO: LOKUCUKETFWE****Incwadzi yebuhlobo ayifake loku lokulandzelako:**

- Singeniso, umtimba nesiphetfo.
- Likheli linye leliphelele lelingakafakwa timphawu tekufundza nekubhala lelisesandleni sekudla.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Mnaketfu/Mandlakayise)
- Kweciwa umugca ngembikwesingeniso.
- Singeniso lesitfula loko lekutawucocwa ngako.
- Kweciwa umugca emuva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. Sib. Ngimi umnakenu.)
- Sibongo asifikwa.

LOKUBALULEKILE:

- Incwadzi ayivete kuvelana kwemhlolwa nemnakabo ekuguleni. Akuvele nekumkhutsata kutsi achubeke anatse emaphilisi kute abalekele bungoti bekuwayekela.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.4

SIHLATIYWA**SAKHIWO: LOKUCUKETFWE****Sihlatiywa asifake loku lokulandzelako:**

- Singeniso, umtimba nesiphetfo
- Sihloko sesihlatiywa.
- Sihloko semdlalo lolalelw, ligama lembhali neligama lemsakato lawulalele.
- Akuvetwe badlali labakhulu kulenkhundla yalomdlalo lawulalele. (Labangedluli kulabane.)
- Sifinyeto sesakhiwo salomdlalo.
- Ingikitsi yalomdlalo.
- Imibono yemholwa ngalenkhundla yemdlalo lawulalele (Tincomo.)

LOKUBALULEKILE:

- Sihlatiywa asiphatselane nenkhundla yemdlalo lawulalele wawutsandza.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.5

INCWADZI YEMTSETFO**SAKHIWO: LOKUCUKETFWE****Incwadzi yemtsetfo ayifake loku lokulandzelako:**

- Singeniso, umtimba nesiphetfo.
- Emakheli aba mabili langakafakwa timphawu tekufundza nekubhala. (Lalohlolwako liba sesandleni sekudla, lalobhalelwako libe sesandleni sesancele, ehlukaniswe ngumugca emkhatsini wawo.)
- Likheli lesibili lifakwa sikhundla salobhalelwako. (Sib. Mninindzawo)
- Kweciwa umugca ngembikwesibingelelo.
- Sibingelelo sencwadzi. (Sibingelelo kufanele sivete bulili balobhalelwako. Sib. Mnumzane/Nkhosatana)
- Kweciwa umugca ngemuva kwekubingelela.
- Sihloko sendzaba lekutawukhulunya ngaso.
- Kweciwa umugca ngemuva kwesihloko.
- Singeniso lesitfula loko lokutawucocwa ngako ngelulwimi loluhlelekile.
- Kweciwa umugca ngemuva kwaleylo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokutifobako lokuhambelana nesibingelelo. (Sib. Ngimi lotifobako)
- Kubhalwa ligama nesibongo.

LOKUBALULEKILE:

- Incwadzi yemholowa ayivete umonakalo lobekhona ngenca yemvula.
- Umholowa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]****2.6 UMBIKO LOHLELEKILE****SAKHIWO: LOKUCUKETFWE****Umbiko ufaka loku lokulandzelako:**

- Singeniso, umtimba, nesipheto.
- Ligama lalobhalelwa lombiko. (**Uya ku...**)
- Ligama lalobhale lombiko. (**Ubuya ku...**)
- Lusuku lobhalwe ngalo. (**11 Inhlaba 2025**)
- Sihloko. (**Umbiko ngemcimbi wekutfutfukisa sikhwama.**)
- Umongo wembiko.
- Lokucuketfwe ngulombiko.
- Indlela yekutfola lwati.
- Lokutfolakele.
- Tincomo/Tiphakamiso.
- Sipheto.
- Emavi ekubonga.

LOKUBALULEKILE:

- Umbiko awuphatselane nemcimbi webaculi lobewukhona emmangweni wemholowa.
- Umholowa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

SAMBA SESIGABA B: **50**
SAMBA SAKO KONKHE: **100**

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniswe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi.)
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniswe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukaniswa kwelizinga lelisetulu ngalokubabatekako nelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLELA (Imphendvulo nemibono) Kuhleka kwemibono nakulungiselelwa kubhala Kucikelewa kwenhloso, tetsamelilwati nesimongcondvo. 30 EMAMAKI	Lizinga lelisetulu ngalokubabatekako	28–30	22–24	16–18	10–12	4–6
		-Imphendvulo lengemalengiso lababateka ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujulile. -Kuhleka kungemalengiso lababatekako, kubumbene nesingeniso, umtimba kanye nesipheto.	-Imphendvulo lesecophelweni lelisetulu ngalokubabatekako -Imibono ivutsiwe, iyaheha ihambisana nesihloko ngalokuphelele. -Kuhleka kusecophelweni lelisetulu kakhalu, lokumbene nesingeniso, umtimba nesipheto.	-Imphendvulo leyeneticako -Imibono ibumbene futsi ikholweka ngalokwenetisako. -Kuhleka kubumbene nesingeniso, umtimba nesipheto ngalokwenetisako.	-Imphendvulo lengakabumbani -Imibono ayikacaci kantsi futsi akusiyo yekuticambela. -Buncane bufakazi bekuhleka nekumbana.	-Yonkhe imphendvulo iyanhlanhlatsa. -Imibono ihlangahlangene futsi iyadidana, ayikacondzi ngco. -Kunekuphindzaphindza lokungevakali. -Akukho kuhleka nekumbana.
	Lizinga lelisetulu ngalokungababateki	25–27	19–21	13–15	7–9	0–3
		-Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleka lokungemalengiso, kubumbene nesingeniso, umtimba nesipheto.	-Imphendvulo lesecophelweni lelisetulu -Imibono iyaheha, ihambisana nesihloko -Kuhleka lokusecophelweni lelisetulu lokumbene nesingeniso, umtimba nesipheto.	-Imphendvulo leyeneticako kodvwa kuhkona lokungevakali kahle -Imibono ibumbene, iyakholweka. -Kuhkona kuhleka lokutsite kanye nekumbana nesingeniso, umtimba nesipheto.	-Imphendvulo legcwele kuhlanhlatsa. -Imibono ayihlangani, iyadidana. -Abukho bufakazi bekuhleka nekumbana.	-Awukho namcane umzamo wekuphendvula ngesihloko. -Yonkhe imphendvulo iyahlanhlatsa, ayemukeleki -Akuvakali, kuhlangahlangene.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo leisetulu	Lokwenetisako	Lokusilele	Lokungaphumeleli
LULWIMI, SITAYELA NEKUHLUNGWA KWEMAPHUTSA		14–15	11–12	8–9	5–6	0–3
Kuhambelana kwemoya irejista, sitayela, silulumagama nenhoso nesimongcondvo. Kusettentiswa kwelulwimi, timphawu tekufundza nekubhala, luhlelo, sipelingi (lupelomagama.)	Lizinga leisetulu ngalokubabatekako	-Umoya, irejista, sitayela nesilulumagama kuhambelana nenhoso, tetsamelilwati nesimongcondvo ngemalengiso lababatekako. -Lulwimi lolunekutetsema lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelingi kute -Kunekuticambela lokungemalengiso lasetulu kakhulu.	-Umoya, irejista, sitayela nesilulumagama kuhambelana nenhoso, tetsamelilwati nesimongcondvo ngelicophelo leisetulu. -Lulwimi lusecophelwени leisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelingi akasimanyenti. -Kuticambela lokusecophelweni leisetulu.	-Umoya, irejista, sitayela nesilulumagama kuhambelana nenhoso, tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentisiwe kunotsisa lokucuketfwe.	-Umoya, irejista, sitayela nesilulumagama akuhambelani nenhoso, tetsamelilwati nesimongcondvo. -Kusettentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	-Lulwimi aluvakali -Umoya, irejista, sitayela nesilulumagama. akuhambelani nakancane nenhoso, tetsamelilwati nesimongcondvo. -Silulumagama sincane ngendlela yekutsi lokubhaliwe akulandzeleki.
15 EMAMAKI		13	10	7	4	
	Lizinga leisetulu ngalokungababateki	-Lulwimi lusetjentiswe ngemalengiso nangalokuveta umoya lokhutsatako ngemphumelelo. -Esikhatsini lesinyenti emaphutsa eluhlelo nesipelingi awekho. -Kuticambela kungemalengiso.	-Lulwimi lusetjentiswe ngemphumelelo lesecopheweni leisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelingi ambalwa. -Icambeke kahle.	-Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	-Lulwimi lusetjentiswe ngalokungenetisi. -Kusettentiswa kwetinhlobo letehlukene temisho kuncane/kute. -Silulumagama sincane kakhulu.	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO		5	4	3	2	0–1
Timphawu tetheksthi. Kutfufukiswa kwetindzima nekwakhiwa kwemisho.		-Sihloko sitfufukiswe ngemalengiso. -Imininingwane yetfulwe ngemalengiso. -Imisho netindzima kwakheke ngemalengiso lababatekako.	-Imininingwane itfufukiswe ngalokuhlelekile. -Kunekubumbana. -Imisho netindzima kuhlelekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle. Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.
5 EMAMAKI						

SIGABA B: EMATHEKSTHI EMIBHALOMBIKO LEMIDZE (25)**IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA (LIPHEPHA LE-3, SIGABA B & C (25 EMAMAKI)**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO Imphendvulo nemibono Kuhleka kwemibono nakulungiselelwa kubhala Inhoso, tetsamelilwati, timphawu/timiso, nesimongcondvo. 15 EMAMAKI	13–15 -Imphendvulo lengemalengiso lababatekako. -Imibono ivutsiwe, inekuhlakanipha lokukhombisa kucabanga lokujulile. -Lwati lolungemalengiso lwetimphawu teluhlobo lwetheksthi lebhalwako. -Umbhalo ucondze ngco. -Lokucuketfwe kunemibono lebumbene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	10–12 -Imphendvulo lesecophelweni lelisetulu lekhombisa lwati lolusecophelweni lelisetulu lweluhlobo lwetheksthi lebhalwako. -Umbhalo ucondze ngco – awutsemeleti. -Lokucuketfwe kunemibono lebumbene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	7–9 -Imphendvulo leyenetisako, lekhombisa lwati lweluhlobo lwetheksthi lebhalwako. -Umbhalo awukaondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodwa sinemaphutsa latsite.	4–6 -Imphendvulo lecatfutako lekhombisa lwati loluncane lweluhlobo lwetheksthi lebhalwako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalandzelwa ngalokufanele. -Kunyenti lokubalulekile lokusilele.	0–3 -Imphendvulo ayikhombisi nakancane kuba nelwati lwetimphawu teluhlobo lwetheksthi lebhalwako. -Inshokutsi iyanhlanhlatsa igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekele sihloko. -Imitsetfo netimiso tesakhiwo setheksthi letibalulekile atikalandzelwa nakancane.
LULWIMI, SITAYELA NEKUHLUNGWA KWEMAPHUTSA Umoya, irejista, sitayela, inhoso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi 10 EMAMAKI	9–10 -Umoya, irejista, sitayela nesilulumagama kuhambelana ngemalengiso nenhoso, tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	7–8 -Umoya, irejista, sitayela nesilulumagama kuhambelana nenhoso tetsamelilwati nesimongcondvo. -Luhlelo alunamaphutsa ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	5–6 -Umoya, irejista, sitayela nesilulumagama kuhambelana nenhoso tetsamelilwati nesimongcondvo. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama lesenetisako. -Emaphutsa akayiphazamisi inshokutsi.	3–4 -Umoya, irejista, sitayela nesilulumagama akuhambelani kahle nenhoso tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	0–2 -Umoya, irejista, sitayela nesilulumagama akuhambelani nakancane nenhoso tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhoso. -Inshokutsi ihlangahlangene kakhulu.